



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Longinus. 15. Martii.

[urn:nbn:de:hbz:466:1-62968](#)

காலோ] 197. [ஒன்று

familiariter uti; tunc Deus cognoscitur perfectius;
& ardentiūs amat. Et hæc cognitio, & hic amor
comprehensorum perfecta felicitas est; viatorum
autem inchoata. Te ipsum testor, num lachrimæ,
quas peccatorum dolor elicit in oratione, suaviores
sunt, quam quæ tuis verbis possint explicari?

S. LONGINUS.

15 Martii.

Centurio autem, & qui cum eo
erant custodientes IESVM, viso
terra motu, & ijs qua siebant,
timuerunt valde, dicentes: vere
filius Dei erat iste. Matth. cap. 27.

LONGINUM ajunt Centurionem ejus co-
hortis fuisse, quæ Servatori & è cruce
pendenti & tumulo condito custodiæ causâ
fuit addita; Eundem lanceâ latus hausisse
sacratissimum, geminosque amoris fontes
sanguinis & aquæ nobis deditæ, authori eti-
am suo salutares, quippe cuius oculis medi-
cinam fecisse liquor illapsus memoratur. Id
certè nemo negaverit, tot miraculorum
spectatori mentis oculos apertos esse, &

Ms. C. 1. 1.

cum facinus jam suum ac judæorū videret,
pectus planxisse, & testimonium divinitatis
Crucifixo dedit. Id cum & tunc & in pu-
blico post concilio fecisset, odiumq; inge-
sibi conflasset, Cappadociam gemino cum
comite petiit. Sed & invidia comes ivit
judæorum, & missi à Pilato, qui caput LON-
GINI referrent. In hos dum fortè offendit,
ipse cognitos incognitus domo excipit, ha-
betque per liberaliter. Postridie LONGINUS
LONGINUM prodit, mirante, & tesseram
hospitii frangere ipso hoste renuente. Sed
animos addit LONGINUS; jamq; Martyrum
purpuram ambiens, vestes candidas induit,
animamq; cælo, caput Pilato dat ferendū.
Hic nobile spolium in simetū abjecit; Pro-
didit tamen iterum se Divus, &, ut sepul-
chro caput cum filii cadavere conderet, ma-
tronam oculis destitutam monuit. Itaque
tantum thesaurum reperit cæca. Sed

& oculos unà reperit.

Ex Metaph. & vita Christi Germ.

M E D I T A T I O

De vulneribus Jesu Christi.

I. **U**T JESUM redames, aspice vulnera manu-
um, pedum, ac lateris ejus. An possem te
non

(199.) 199. (199.)

non amare, suavissime Iesu, cum tam acerba mea
causa tuleris! Sanguinem fudisti, ut ex faucibus
tartari eriperes me, & omnia passionis tuæ merita
michi ultrò concessisti. Per sacrum lateris vulnus,
sive cor Iesu, anime mihi, ipsi loquere, & tibi vi-
cissim loquenti aurem præbe. Per foramina corporis
patent mihi arcana cordis. Aug.

2. An desperationis spiritu tentaris propter sce-
lera, gehennæ timorem, aut salutis difficultatem?
An superbiæ? an libidinis? quacumque demum
vexeris tentatione, fuge in apertum Iesu latus,
ipsumque Iesum audies dicentem tibi: Qui fieri
posset, fili, ut mortem tuam vellem ego, qui pro
te mortuus sum? hoc unum volo, finem ponas
peccatis tuis: nam si ex me tot cruciatus expetie-
rit Pater meus ob peccatum Adæ, quid ex te?

3. An opprobriis, mortore, doloribus afflita-
ris sic, ut nec habetas quidem, qui te consoletur?
Advolâ in latus Salvatoris, en! Asylum! en!
refu-
gium tuum, ibi consolatorem, amicum, protecto-
rem invenies. Vide quid pro te passus sit Christus.
Tuos illi dolores expone, illumque audi suos ex-
ponentem. Ejus extenduntur brachia ad amplexū,
patet cor ad perfugium. Opera manuum tuarum De-
mine ne despicias, vulnera manuum tuarum, precor, ut
afficias. August,

S. ABR.